

(ciep banj 10)

(19) Laebndei gij gihci saedhengz aen canloz ranghdieg doxdaengh hwnghat. Cauhlaeb yiengh baijbouh ginghci ranghdieg doxbouj gijndei caeuq aen dijhi hoenggan diegguek. Laebcaez aen dijhi doenggvaq cidu caeuq cwnghcwz bae doinyoengx gij hongsaeh daih haifat baihsae guhbaenz buenz hong moq、cienzmienh guhhoengh doengbaek aeundaej cungbyoengq moq、gyavaiq hwnghwnj dieg cungq–gyang、gyavaiq doihaeuj dieg baihdoeng guhbaenz yendaiva. Doinyoengx Gingham Cinh Gi、Cangz–sanhgoz、Yez Gangj Au Davanhgih doengh benq dieg neix dang rengzgoek coengh guh yiengh hwnghat caetliengh sang, gajndei gij gihci hwnghat rangh ginghci Dahcangzgyangh、baujhoh gij swnghdai rangh dieg Dahvangzhoh caeuq yiengh hwnghat caetliengh sang. Ciuq biucinj sang caetliengh sang bae doihaeuj hwnqguh Yungzanh Sinhgi. Doinyoengx dieg Cwnghduh Cungzging hwnqguh gvaengx ginghci suengsingz haeuj laeg haeuj saed guh bae. Laebcaez gij cidu dijhi cujdij gunghnwnghzgi, gyaak aen gihci baujcan gaj ndei guh ndei gyanghoeng diegguek. Laebndei aen gihci ranghdieg baenz cingjdae bae hwnghat, cauhaeb aen gihci moq hamj diegguenj doxgap hwnghat, lai hawj baihdoeng cungqgyang baihsae gapguh canjnieb. Laebndei gij dijci gihci guhhoengh ginghci haijyangz.

Roek、Laebndei Gij Dijci Gihci Hawsingz Lajmbanj Yungzhab Hwnghat

Hawsingz lajmbanj yungzhab hwnghat, dwg gij yendaiva yiengh Cungguek iugouz itdingh baenzneix guh. Itdingh aeu dungjcouz gij gunghyezva yiengh–moq、gij cwnghzcinv yienghmoq caeuq cienzmienh guhhoengh lajmbanj, hawj gviveh、hwnqguh、ceihleix singz mbanj ndaej cienzmienh yungzhab engq ndei, hawj gij yausu singz mbanj bingzdaengj doxvuenh、suengyiengq riuzdoengh, hawj singz mbanj cengca bienq iq, coihawj singz mbanj doengzcaez mwn–hoengh hwnghat.

(20) Laebcaez aen dijci gihci doicaenh gij cwnghzcinv yienghmoq. Cauhlaeb aen gihci hawj canjyez swnggaep、vunzgyaeuj gyonjcomz、hawsingz hwnghat doxbaengh doxcoi guh ndei. Doihengz aen cidu youz giz dieg ciengz youq daenghgeiq hugouj daeuj daezhawj yiengh fugsae caezcaemh cei noix, hawj doengh gij bouxguhnaz senj haeuj singz hab diuzgen de ndaej caeuq doengh boux miz huciz giz dieg de senjhaeuj haenx ityiengh miz ndawbiengz baujiemj、ranzyouq baujcan、lwnghyez gaen senj haeuj hag, gyavaiq hawj doengh gij bouxguhnaz senj haeuj singz de bienqbaenz vunzndawsingz. Baujcan doengh gij bouxguhnaz haeuj singz roengzhoh miz gij gienzik diegdeih habfap, ciuqfap henhoh bouxguhnaz haeuj singz roengzhoh miz gien baugh diegdeih、sawjyung diegranz、faenboiq souik cizdij, damqra laebhwnj gij banhfap gagnyienh aeucienz doiqok.

Dingjmaenh hawsingz yinzminz yinzminz hwnq、hawsingz yinzminz vih yinzminz. Laebcaez aen dijhi gveihva hawsingz, dazyinx gij hawsingz hung rauh iq caeuq cwnghzcinv iq doxdaengh hwnghat、gyonjconz deihmaed bae baijbouh. Gyalae gajgwz gij dijci hwnqguh、yinyingz、ceihleix hawsingz, gyavaiq cienjbienq gij fuengsik hwnghat hawsingz. Doin–doengh cauxbaenz aen dijhi moq ndaej gvairah

ndeivaiq ceihleix gij hawsingz hungloet hungdaih, laebhwnj gij dijci gihci hawj gien hawsingz hwnghat baenz hawsingz doengzcaemh. Gyalae gajgwz hawj gij cin hungdaih miz aen gien guenleix ginghci ndawbiengz hab gij vunzgyaeuj nem ginghci gveihmoz aen cin haenx. Laebhwnj gij vunqsik hawsingz vuenhmoq caeuq cwnghcwz fapgi ndaej lienzdaemh, gyarengz hwnqguh gij luengqguen lai yiengh lajnamh caeuq gajcauh swnggaep gij guenjsienq gaeuq nduk, haeuilaeg guh yiengh saeh hawj hawsingz engq ancienz engq naihyangq.

(21) Gyamaenh caeuq laebndei aen ginghyingz cidu giekbonj lajmbanj. Miz bouhloh bae doicaenh gaiq hong sawqdiemj lwnz daihngaih baugh diegdeih daengz geiz le caiq gyarez 30 bi, gyalae gajgwz yiengh saeh faen laeb gij gienzgaemmiz、gienzbaugh、gienzginghyingz diegbaugh, hawj nungzyez miz yiengh gveihmoz habdoh bae ginghyingz. Laebndei aen dijhi ginghyingz nungzyez, laebndei aen gihci cauxbaenz gij gyaqcienz riuzcienj gienzginghyingz diegbaugh, coinyoengx boux–guhnaz doxgap ginghyingz, doinyoengx hangh cwnghcwz bangfuz aen cawjdae ginghyingz nungzyez yienghmoq riengz daiqdoengh ranz guhnaz demlai souhaeuj dox ngaucienz. Laebcaez aen dijhi hawj gwnzbiengz caeuqfaenh fugsae nungzyez fueng–bienh ndeivaiq. Hwnghat gij cizdij ginghci lajmbanj yienghmoq, cauhaeb aen gihci aeu canjgienz cingcu、faenboiq hableix, hawj bouxguhnaz ndaej daengz gij gienzik caizcanj engq lai.

(22) Laebcaez aen cidu haeuicoengh guh’ ak nungzyez youh hawj bouxguhnaz ndaej leih bienq fouq. Dingjmaenh nungzyez lajmbanj hwnghat gonq, laebndei aen gihci douzhaeuj hangz guhhoengh lajmbanj. Guhhung gij canjnieb hawj bouxguhnaz ndaw yienh bienq fouq, cauhaeb aen dijhi gunghawj gijgw lai yiengh, gunghanq gij canjnieb moq yezdai moq lajmbanj. Gajndei aen dijhi cwnghcwz boujdiep nungzyez, hwnghat yiengh baujiemj nungzyez lai mbaek. Laebndei aen gihci ciengzseiz fuengzre dauq gungz bienq gungz goq doh vunzgyaeuj lajmbanj, laebhwnj aen cidu faen mbaek faen loih bae bangfuz doengh boux souhaeuj daemq lajmbanj caeuq giz dieg mbouj fatdad. Laebcaez aen gihci ciengzgeiz mizyauq guenleix yiengh saeh hawj gij cienz guekgya douzhaeuj haenqrengz duetgungz caux–baenz swncan. Yung gij gingniemh “aen gungh–cwngh cienfanh”, laebcaez aen gihci ciengzgeiz mizyau doidoengh lajmbanj cienmienh guhhoengh.

Gyavaiq laebcaez aen gihci baujcan gij souik bouxguhnaz ndaem haeux, coibaenz aen gyaqcienz haeuxgwn doengh gij nungzcanjbinj youqgaen neix cungj itcig habngamj. Doengbuenz maeuzveh laeb–hwnj aen gihci sengj gap sengj boizbouj gij leih’ ik giz ok giz siu haeuxgwn laidaih, youq boizbouj gij leih’ ik giz ok haeuxgwn laidaih yamq ok yamq maenh. Gyoebyonj doicaenh gajgwz gij dijci gihci guenleix gaicawx caeuq bwchwk haeuxgwn, laeb–hwnj gij vunqsik moq gamguen. Laebcaez aen gihci ciengzgeiz mizyauq bae mbaetyung haeuxgwn caeuq gijgw.

(23) Gyalae gajgwz aen cidu diegdeih. Gajgwz laebndei aen cidu hawj ciemqyung caeuq dembouj reihnaz doxdaengh, ciemqyung gak loih reihnaz aeu itcae guenleix, laebcaez aen gihci niemhsou reihnaz dembouj ndeirwix, saedbauj dabdaengz aen biucinj ciemq bouj doxdaengh. Laebndei gij gihci hwnqguh、niemhsou、guenjoh gaiq reihnaz biucinj sang. Laebcaez aen dijhi

guenleix yiengh saeh baujcan reihnaz yung haeu ndaem cungj gomiuz ngoenznaengz gwn yung. Cinhawj ranz guhnaz doenggvaq okco、haeujguj、doxgap doengh gij guhfap neix buenzhoengh yung ndei gij ranzyouq habfap de. Miz bouhloh bae doicaenh hangh gajgwz hawj gij dieg dajhwnq cizdij lajmbanj ndaej gaicawx haenx haeu hawciengz, laebcaez aen gihci faenboiq gij souik diegdeih demsou ndaej haenx.

Gajndei diegdeih guenleix, laebcaez aen cidu guenleix diegdeih caeuq hungzgvanh cwnghcwz nem ranghdieg hwnghat ndeivaiq doxciep hwnjdaeuj, baujcan gij canjnieb guhdaeuz、hanghmoeg hungnaek hableix yung dieg gonq, hawj giz dieg miz gijndei lai de engq ndaej guh hung guh gvangq. Laebhwnj aen gihci boiqceiq aen cijbyauh gyalai dieg dajhwnq hawsingz caeuq vunzgyaeuj ciengz youq demlai doxdaengh. Damqra aen gihci aeu gij reihnaz guekgya gyonjcomz haifwz cauguh haenx cien yung youq gij hanghmoeg caeuq giz dieg daegdingh bae doeksaed ciemq bouj doxdaengh. Engq rox yung ndei diegdeih gunghsanghyez hawsingz, gyavaiq hwnghat aen hawciengz ngeihgaep dieg dajhwnq, doinyoengx doxgyaux haifat leihyung diegdeih、hableix cienjvuenh yungcawq diegdeih, buenzhoengh gij diegdeih yienhmiz caeuq gij diegdeih yung noix de. Mbeguh yiengh saeh cienhangh ceihleix gij yungdieg gak loih canjyez yenzgi. Ceiqdingh yiengh cwnghcwz gyarez aen geizhan sawjyung gij yungdieg gunghsanghyez caeuq daengzgeiz le swngeiz.

Caet、Laebndei Aen Dijci Gihci Doiq Rog Hailangh Suijbingz Sang

Hailangh dwg cungj geiqhau sienmingz gij yendaiva yiengh Cungguek. Itdingh aeu dawzmaenh doiq rog hailangh aen gihbwn gozcwz neix, dawzmaenh aeu hailangh coi gajgwz, baenghgaug gijak guek raeuz miz aen hawciengz gveihmoz hungloet, youq mwh gyadaih riengz guek wnq doxgap bae gyaak hailangh, hwnqguh aen dijci moq yiengh ginghci hailangh suijbngz engq sang.

(24) Onjbouh gyadaih hailangh hawj cidu doiqciep gozci. Gag bae doiqciep gij ginghmou gveihcwz biucinj sang gwnz gozci, youq baujhoh canjgienz、boujdiep canjnieb、vanzging biucinj、baujhoh lauzdung、cwnghfuj dajcawx、densw sanghvu、ginhyungz lingjyiz daengj guhdaengz gveihcwz、gveihci、guenleix、biucinj doxdoeng doxyungz, dajcauh aen cidu vanzging ronghcingx onjdingh youh ndaej yawhgeiz. Lai gag bae hailangh, miz bouhloh gya’ gvangq doiqrog hailangh aen hawciengz sanghbinj、hawciengz fugsae、hawciengz swbhwnj、hawciengz vunzhong guek raeuz, gya–gvangq mbiengj dog hailangh hawj gij guekgya cei mbouj fatdad. Gyalae gajgwz gij dijci gihci bang guekrog, guhdaengz daengx diuzlien guen liux.

Henhoh aen dijci mouyiz lai mbiengj aeu Seiogyai Mouyiz Cujciz guh goek, lailai caeuqfaenh gajgwz aen dijhi ceihleix ginghci lajmbwn, daezhawj gij canjbinj lajmbwn caemh yung haenx engq lai. Gya’ gvangq aen vangiloz swyouz mouyizgi biucinj sang doiqciep lajmbwn, laebhwnj aen gihci habgi caeuq gij gveihcwz gozci doengyung doxciep, gajndei aen vanzging hailangh doxgap.

(cienj banj 12)